


Te mahere ā-rohe o Waitematā 2020

He aronga poto i tā mātou mahere



Mihi

Mai i Te Waitematā ki tai,
nau mai rā e Te Waitematā ki uta.
Hei taumarumaru koe mō te pū o te wheke
kua huaina nei, ko te tāone nui o Tāmaki Makaurau.
Titiro ki te Pourewa Tūkoi ki te rangi e titi mai rā
i te manawa tonu o Te Horotiu,
tipua o te ao kōhatu kua memeha kē,
kua taupokihia e te ao kua kōhatu.
Ko Te Wai-o-Taikehu kei te rāwhiti ōu,
ko Tuki-tuki-muka te kai here i tō hope i te uru.
E rere ki tuawhenua, ka ū atu koe ki Te Wai-oreoa,
kei kō tata mai ko te Rae o Kāwharu
e eke ai koe ki Te Uru Karaka.
Heke whakatemauī ko Ngā Kauae Whati,
e piki ake ai koe ki Te Rimu-tahi.
Titiro whakaiho koe, ko Waiatarau,
ko te Waikōkota.
E tahuri tō haere mā te ara Kārangeranga o Hape
kia tū anō koe i te kokotinga o te Ara Kuīni.
E whakamau ū kamo ki te āhuru mōwai
e hora ake nā i mua i a koe.
E mīharo ki tā te ringa tangata i hanga ai
hei kākahu i tā te ringa atua.
E takahi rā koe mā runga i ngā tapuwae o te tini –
pō te ao, ao te pō,
kia tau rawa atu koe ki te huinga mai
a te mano ki Te Rerenga-ora-iti.
Ki reira koe whakatau ai i te iwi;
Nau mai e taku iti, nau mai e taku rahi ki āhau,
ki Te Waitematā i uta, ki Te Waitematā i tai.

Kei tēnei puka te whakarāpopotohangā o te Mahere Poari ā-Rohe. Toro atu ki te paetukutuku o Te Kaunihera o Tāmaki Makaurau,
www.aucklandcouncil.govt.nz mō te roanga ake o te mahere.

He kōrero nō te Heamana

Tēnā koutou, tēnā koutou, tēnā koutou katoa.

Ko Waitematā te pūmanawa o Tāmaki-Makaurau, he wāhi e noho ai, mahi ai, ako ai, toro mai ai, takaro ai, ngahau ai te marea. He wāhi e rangona ana te ngākau whiwhita, te hihiri, te wairua auaha.

Kua tino huri tō tātou rohe i ngā tau kua taha ake - kua tino rahi ake, ā, he wero tō tērā āhuatanga. E tino huri haere ana te pokapū tāone, e piki ana te taupori, e huri haere ana te taupori - e kitea ana ngā iwi kanorau huhua. Kua tauākīngia e te kaunihera te ohotata āhuarangi. E whakaae ana te Poari ā-Rohe o Waitematā - mewhakatikangā raru āhuarangi hei painga mō te tangata ia rā, ia rā. Nā whai anō, kua tuia ngā mahi whakakore raru āhuarangi ki ngā whāinga e ono.

Kua whakataumaha te urutā MATE-KORONA me te noho taratahi ā-motu/ā-rohe i ngā pakihī me te kotahitanga o te hapori. Kua tino whakataumahatia ngā pūtea o te Kaunihera. Me āta whakarārangī i ngā kaupapa hei whakatinana kia puta ai ngā hua tino pai e taea ana - mō ngā hapori, mō te taiao, mō ngā pakihī. Ko tōna tikanga ka tautoko ngā hinonga i te whakarauoratanga o te rohe kia kaha ake te hapori ki te kaupare i ngā parekura, urutā, raru āhuarangi, raru hanga whare, o āpōpō.

Nōku te maringanui ki te whakatakoto i te Mahere Poari ā-Rohe o Waitematā 2020-2023. Ko tēnei te rautaki mō ngā tau e toru kei mua i te aroaro. Kei te rautaki nei ngā rongoā ā-rohe ki te whakaora i tō tātou rohe me ngā tāngata o roto. Kua whai wāhi atu ngā whakaaro o ō tātou hapori auaha me ō tātou rōpū hihiri ki ngā kaupapa me ngā hinonga e pīkautia ana e tēnei mahere. E hiahia ana mātou kia korikori tonu ngā pakihī, kia marutau ai ngā hapori, kia tūhonotia ngā hapori, kia ora ai te taiao. Mā ū ringa āwhina, e ea ai ērā wawata.

Ka ngana mātou ki tewhakamana i te iwi Māori, ki te whakanui i te Māoritanga. Ka whakamārō tonutia ngā herenga ki te mana whenua kia whai wāhi atu te ao Māori, te tuakiri, ngā kōrero tuku iho, ki ngā mahi whakamahere me ngā whakataunga hoki. Ka ngana hoki ki te whakaū i ngā taonga tuku iho ki ngā pikitia, ngā toi tūmatanui, ngā tohu me ngā ingoa pāka.

Kei te hiahia mātou kia marutau ngā tāngata katoa e noho ana ki Waitematā, kia rongo hoki te katoa i te whanaungatanga, kia whai kāinga te katoa. Ka aro ngātahi atu tātou ki te whakarauoratanga me te whakakotahitanga o ngā hapori. Ka tautokona e mātou; ngā hui ā-rohe, ngā kaupapa toi ā-rohe, ngā hui whakangahau e whakamana ana i te wairua kanorau me ngā kaupapa mana ūrite pēnei i te hapori LGBTQIA, ngā tai pakeke katoa, ngā iwi katoa me ngā pūkenga tangata katoa.

E ai ki tā mātou i matapae ai - ka maha ake ngā whānau me ngā taiohi e noho ana ki te pokapū tāone me Newmarket nō reira ka rangahaua e mātou ngā momo hanganga e ea ai ngā wawata o ērā tāngata. E mārō ana te hiahia o te poari ki te hanga i ngā wāhi hīkaka, i ngā wāhi whakakorikori tangata, ā, ka whakatinanahia te wawata ki te whakatū pāka ki Ponsonby Road. Ka whakakorikorihia ngā wāhi tūmatanui me te ngā mahi whakapaipai pāka. Kua rongo mātou i te reo o te hapori - he motuhake te whare o Leys Institute, hei whare, hei rawa hapori hoki. Ka kaha tautokona e mātou te tohutanga o Leys hei whare mātauranga tūmatanui anō. He take nui tonu te utu nui o te whare me te hunga kāinga kore. Ka kaha tautokona e mātou ngā rongoā ki te whakakore i te noho kāinga kore.

Kei te mārō tonu tō mātou wawata kia tiakina te taiao. Kua whakaaetia e te Kaunihera te Tāruke-ā-Tāwhiri: Auckland's Climate Plan. Ka pukumahi tonu mātou ki te whakaheke i te puha hauhā, mā te tautoko i ūtātou hapori, te whakahou i ngā hanganga, te rāwekeweke i te ohaoha ā-rohe kia urutau. Mā reira e kīa ai a Waitematā he hapori hauhā iti. Ka nui noa atu

ngā ngahere i te tāone me ngā kāuru rākau huri noa. Ka aro tonu ki te whakarauoratanga o ngā arawai, te whakakore i te para hau māori, te tautoko i ngā kaupapa whakaheke hauhā e kōkiritia ana e te hapori, te whakarahi i ngā kāri me ngā pū wairākau mō te hapori. Ka tukua hoki te pūtea kia mutu ai te whakamahi paturiha i ngā pāka.

Me whai pūnaha hāereere tātou e marutau ai te tangata, e ngāwari ana te whakamahi, e maha hoki ana ngā kōwhiringa aratau hāereere. Nō nā tata tonu nei ka toko ake te ngākanui ki te hīkoi, te eke paihikara me ērā atu aratau hāereere whakapakari tinana. E hiahia ana mātou ki te whakaroroa i ngā ara kākāriki, ki te tūhono i ngā ara paihikara, ki te whakahaoaho a i ngā tiriti hei papa tūmatanui kia taea e te tangata te hīkoi haere. Mā reira e iti ake ai te whakamahinga motukā. He kaupapa nui te whakahauamaru i ngā rori, ā, ka whakapaipai mātou i ngā rori ki ngā kura, huri noa i te rohe.

Ko Waitematā te pokapū matua o Tāmaki-Makaurau mō te hunga mahi me ngā pakih i, nā whai anō me whakakaha i te ohaoha ā-rohe. E rua ngā āhuatanga ka taka iho i tērā wawata - te rangahau i ngā ara hōu ki te pīkau i ngā mahi me te whakararahi i ngā pūkenga tangata. Ka mahi tahi mātou ko ngā rangatira o te ao pakih i kia nui noa atu ngā painga ka taka iho i ngā mahi whakarauora ohaoha o te Kāwanatanga, ā, mā te mahi tahi e hua mai ai ngā momo mahi me ngā momo pakih i taurikura, toitū, auaha hoki ki Waitematā.

Kua whai whakaaro atu mātou ki ngā kōrero i whakahokia mai ki a mātou i te tuhinga tuatahi o te mahere poari ā-rohe, ngā kōrero i rangona i te waihanganga o ērā atu mahere ā-rohe me ētahi atu mahere pēnei i te Parnell Plan me ngā mahere whanake pāka. E kaha whakapono ana mātou nā tō whāngai whakaaro mai e taea ana e tātou te mahi tahi hei ngā toru tau kei mua i te aroaro ki te whakatutuki i tō tātou wawata kia eke a Waitematā ki tōna tino taumata.



Richard Northey

Heamana, Paori ā-Rohe o Waitematā

He whakarāpopotohangā o ngā kaupapa matua o te mahere

Whakaotinga tahi: E whakamanatia ana te Māori, ā, e kitea ana ō rātou tuakiri, ahurea hoki

Ka whakamanahia te ahurea Māori, ka toro atu te ringa o whanaungatanga ki te iwi Māori kia whai wāhi atu te ao Māori ki ngā whiringa me ngā whakataunga.

Whakaotinga rua: He hapori honohono he mea manaaki, haratau, ūrite hoki

He kāinga tō te katoa, ā, ka rongo ngā tāngata katoa i te whanaungatanga ki ō rātou hapori. Ka whai wāhi atu ngā tāngata ki ngā whakataunga me ngā kaupapa katoa mēnā e hiahiatia ana, ahakoa te pakeke, te ira, te iwi, te pūkenga rānei.

Whakaotinga toru: Te whakawhanaketanga ā-tāone kounga kei reira he wāhi tūmatanui, tūmataiti hoki e haratau ana, e matatini ana, e toitū ana

He maha ngā wāhi tūmatanui rerekē me ngā papa mārakerake e marutau ana, e ngāwari ana te whakamahi, e taea ai ngā kaupapa huhua te pīkau. E pai ana ngā hoahoa pokapū tāone kia taea e te katoa, ahakoa te pakeke, te nukunuku haere ai. Ka kitea i ngā wāhi tūmatanui me ngā whare te tauira o te oranga e ngāwari ana ki te taiao.

Whakaotinga whā: He Waitematā aro ki te āpōpō, tiaki taiao, kaha ki te kaupare i ngā raru āhuarangi

E ora ana te taiao, e taurikura ana te rerenga rauropi, e mā ana ngā arawai, he maha ake ngā ngahere ki te tāone matua. Ka whai taputapu ngā hapori me ngā pakihī e taurikura ai rātou, ā, ka mahi tahi tātou ki te tarae i te āpōpō iti hauhā.

Whakaotinga rima: He kōtuitui ikiiki e haumaru ana, e haratau ana

Ka tūhonotia ngā rori, ā, ka whai kōwhiringa tūturu ngā tāngata ki te haere mai i tētahi wāhi ki tētahi atu wāhi. E marutau ana ngā tiriti mō ngā whānau, te hunga hīkoi, ā, ko te hunga pānekeneke kei mua tonu o te rārangī.

Whakaotinga ono: He toitū, he auaha, he taurikura ngā pakihī o Waitematā

E hīkaka ana te ohaoha ā-rohe o Waitematā i te pokapū tāone me ngā tāone huri noa. Kei te taumata ō tātou pakihī mō ngā mahi whakangāwari i te taumaha ki te taiao ka tahi, ka rua

ka tū kaha ngā pakihī ki ngā raru ohaoha.

Whakarāpopotohangā o ngā take pūtea

Ngā whiwhinga pūtea, whakapaunga pūtea, whakapaunga pūtea haumi o te Poari ā-Rohe o Waitematā mai i te 1 Hōngongoi 2020 ki te 30 Pipiri 2021.

| Rārangi Tahua Pūtea ā-Tau | 2020/21 (\$000) |
|---|--------------------|
| Whiwhinga moni i ngā mahi whakahaere | |
| Ratonga haporī ā-rohe | 2,531 |
| Whakarautaki ā-rohe me ngā mahi whakawhanake | - |
| Ratonga taiao ā-rohe | - |
| Mahi kāwana ā-rohe | - |
| Tataunga whiwhinga moni i ngā mahi whakahaere | 2,531 |
| Whakapaunga moni ki ngā mahi whakahaere | |
| Ratonga haporī ā-rohe | 19,227 |
| Whakarautaki ā-rohe me ngā mahi whakawhanake | 8,708 |
| Ratonga taiao ā-rohe | 331 |
| Mahi kāwana ā-rohe | 891 |
| Tataunga whakapaunga moni ki ngā mahi whakahaere | 29,157 |
| More whakapaunga moni ki ngā mahi whakahaere | 26,626 |
| Whakapaunga pūtea tōpū | |
| Ratonga haporī ā-rohe | 5,990 |
| Whakarautaki ā-rohe me ngā mahi whakawhanake | - |
| Ratonga taiao ā-rohe | - |
| Mahi kāwana ā-rohe | - |
| Tataunga whakapaunga pūtea tōpū | 5,990 |

Ngā Mema o te Poari ā-Rohe o Waitematā

| | Ngā taipitopito hei toro atu ki ngā mema |
|---|---|
|  | Richard Northey Heamana Waea: 021 534 546 richard.northey@aucklandcouncil.govt.nz |
|  | Kerrin Leoni Heamana Tuarua, Whiringa-ā-nuku 2019 ki te Paenga-whāwhā 2021 Waea: 029 770 1326 kerrin.leoni@aucklandcouncil.govt.nz |
|  | Alexandra Bonham Heamana Tuarua, Paenga-whāwhā 2021 ki te mutunga o te tau pōti 2019-2022 Waea: 09 353 9654 alexandra.bonham@aucklandcouncil.govt.nz |
|  | Adriana Avendaño Christie Waea: 022 568 7697 adriana.a.christie@aucklandcouncil.govt.nz |
|  | Graeme Gunthorp Waea: 021 196 3094 graeme.gunthorp@aucklandcouncil.govt.nz |

| | |
|---|---|
| | Ngā taipitopito hei toro atu ki ngā mema |
|  | Julie Sandilands Waea: 021 198 1656 julie.sandilands@aucklandcouncil.govt.nz |
|  | Sarah Trotman Waea: 021 487 583 sarah.trotman@aucklandcouncil.govt.nz |



© 2020 Auckland Council
Auckland Council, Waitematā Local Board

ISSN 2253-1181 (Print)
ISSN 2230-6811 (PDF)

Auckland Council disclaims any liability whatsoever in connection with any action taken
in reliance of this document for any error, deficiency, flaw or omission contained in it.